

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), člana 43. stav (5) Odluke o osnivanju Javnog preduzeća Televizija Zeničko-dobojskog kantona („Službene novine Zeničko-dobojskog kantona”, broj: 10/25 i 12/26), a u vezi sa članom 1. Odluke o izmjeni Odluke o osnivanju Javnog preduzeća Televizija Zeničko-dobojskog kantona, broj: 01-02-12766/26 od 30.06.2026. godine, te članom 35. i 36. Statuta Javnog preduzeća Javnog preduzeća Televizija Zeničko-dobojskog kantona d.o.o. Zenica broj: 12-30-11086/26-03-2 od 22.06.2026. godine na kojeg je Vlada dala saglasnost Odlukom broj: 02-30-12914/26 od 01.07.2026. godine, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 135. sjednici, održanoj 03.07.2026. godine, d o n o s i

O D L U K U

o utvrđivanju prijedloga kandidata za vršioca dužnosti direktora Javnog preduzeća „Televizija Zeničko-dobojskog kantona” d.o.o. Zenica

Član 1.

(Predmet)

Utvrđuje se prijedlog kandidata za vršioca dužnosti direktora Javnog preduzeća „Televizija Zeničko-dobojskog kantona” d.o.o. Zenica (u daljem tekstu: JP „TV ZDK“ d.o.o. Zenica), kako slijedi:

1. Dragan (Milutin) Sjekloća, iz Cetinja, Crna Gora, sa prebivalištem u Sarajevu, Bosna i Hercegovina, po zanimanju bachelor (bakalaureat) poslovne ekonomije.

Član 2.

(Obim ovlaštenja i ograničenja)

Vršioca dužnosti direktora iz člana 1. ove Odluke imenovat će Nadzorni odbor JP „TV ZDK“ d.o.o. Zenica da zastupa Preduzeće u unutrašnjem i vanjskotrgovinskom prometu, sa ovlaštenjem i ograničenjem u zastupanju kako slijedi :

a) Vršilac dužnosti direktora se ovlašćuje da organizuje početak rada Preduzeća, zastupa i predstavlja Preduzeće i predloži donošenje općih akata neophodnih za funkcionisanje preduzeća;

b) Vršilac dužnosti direktora ne može zaključiti ugovor ili niz vezanih ugovora čija je stvarna ili procijenjena vrijednost preko 10.000,00 KM,

c) Vršilac dužnosti direktora može uz saglasnost najmanje jednog člana Uprave zaključiti ugovor ili niz vezanih ugovora čija je stvarna ili procijenjena vrijednost do 50.000,00 KM.

Član 3.

(Period imenovanja)

Vršilac dužnosti direktora JP „TV ZDK“ d.o.o. Zenica imenuje se na period do konačnog imenovanja direktora, a najduže na period od 3 (slovima: tri) mjeseca od dana imenovanja.

Član 4.

(Prava i obaveze)

Vršilac dužnosti direktora JP „TV ZDK“ d.o.o. Zenica ima sva prava i obaveze koje ima direktor Javnog preduzeća „Televizija Zeničko-dobojskog kantona“ d.o.o. Zenica.

Član 5.
(Realizacija)

Za realizaciju ove odluke zadužuje se Ministarstvo za prostorno uređenje, promet i komunikacije i zaštitu okoline i Javno preduzeće „Televizija Zeničko-dobojskog kantona” d.o.o. Zenica, svako u okviru svojih nadležnosti.

Član 6.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona”.

Broj: 02-30-13005/26
Datum, 03.07.2026. godine
Zenica

PREMIJER

Nezir Pivić

DOSTAVLJENO:

3x Ministarstvo za prostorno uređenje,
promet i komunikacije i zaštitu okoline,
1x Imenovani, putem Ministarstva,
1x JP “TV ZDK” d.o.o. Zenica, putem Ministarstva,
1x „Službene novine Zeničko-dobojskog kantona“,
1x a/a.